

სახელმწიფო შესყიდვის შესახებ ხელშეკრულება # 01

დ.ჩხოროწყუ

08 თებერვალი 2017 წ

ერთის მხრივ შპს უსაფრთხოების სამსახური „კასკადი“ (შემდგომში „კასკადი“), მისი დირექტორის ზაური კობეშვიძის სახით და მეორეს მხრივ, ააიპ ჩხოროწყუს მუნიციპალიტეტის დასუფთავებისა და კეთილმოწყობის ცენტრი მისი დირექტორის მაია სიჭინავას სახით, (შემდგომში „დამკვეთი“), საქართველოს მოქმედი კანონმდებლობისა და საკუთარ წესდებათა შესაბამისად, ვდებთ წინამდებარე ხელშეკრულებას შემდეგზე CPV- კოდი 79713000:

1. ხელშეკრულების საგანი

დ.ჩხოროწყუ ააიპ ჩხოროწყუს მუნიციპალიტეტის დასუფთავებისა და კეთილმოწყობის ცენტრის საჭიროებისათვის ცოცხალი არაშეიარაღებული დაცვის მომსახურება, დ.აღმაშენებლის ქ #7-ში მდებარე (დასვენების და კულტურის პარკი) (14000 კვმ), 24 საათის განმავლობაში 3 (სამი) მცველით, ცვლაში 1 (ერთი) მცველი.

2. ხელშეკრულების ღირებულება

3.1. ხელშეკრულების საერთო ღირებულებაა 11 000 (თერთმეტი ათასი) ლარი;

3.2. დაცვის მომსახურების ღირებულებაა თვეში 1000 (ერთიათასი) ლარი და მოიცავს, როგორც მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით „კასკადის“ მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, მათ შორის დ.დ.გ-ს.

3. მხარეთა უფლება-მოვალეობები

4.1. „კასკადი“ ვალდებულია:

4.1.1. განახორციელოს დ.ჩხოროწყუ, დ. აღმაშენებლის ქ N7 ; ააიპ ჩხოროწყუს მუნიციპალიტეტის მოვლა პატრონობაში არსებული (14000 კვმ) (დასვენების და კულტურის პარკის)

ტერიტორიაზე დაცვის მომსახურების გაწევა გამოკვლევის აქტის საფუძველზე, რისთვისაც გამოყოფს შესაბამისი გამოცდილების და პასუხისმგებლობის მქონე წარმოსადგე, სულ 3 დაცვის თანამშრომელს, რითაც უზრუნველყოფილი იქნება გაწეული მომსახურების მაღალი ხარისხი, ხელშეკრულების გაფორმებიდან - 2017 წლის 31 დეკემბრის ჩათვლით, სადაც მომსახურება განხორციელდება 24 საათიან რეჟიმში.

4.1.2. უზრუნველყოს ობიექტებზე დასაცავად მიღებული შენობა-ნაგებობების, ინვენტარისა და ტერიტორიაზე არსებული მატერიალური ფასეულობების საიმედო დაცვა;

4.1.3. დაცვის ობიექტის სპეციფიკიდან გამომდინარე განახორციელოს დაცვა კანონმდებლობით გათვალისწინებული პირობებით;

4.1.4. უზრუნველყოს მის მიერ გამოყოფილი დაცვის თანამშრომლების სათანადო რაოდენობის რადიოსადგურებით ხელკეტებით, ფანრებითა და უნიფორმით (სეზონის მიხედვით) დროული მომარაგება.

4.1.5. აღმოჩენილი მართლსაწინააღმდეგო ქმედების დაფიქსირების შემთხვევაში „კასკადმა“ დაუყონებლივ უნდა აცნობოს როგორც „დამკვეთს“, ისე შესაბამის სამართალდამცავ სტრუქტურებს, ასევე უნდა უზრუნველყოს შემთხვევის ადგილის ხელშეუხებლობა. ასევე მცველი ვალდებულია შეადგინოს შესაბამისი ოქმი მომხდარი შემთხვევის შესახებ დაზიანებული, დაკარგული, განადგურებული ქონების მითითებით.

4.1.6. დაცვის მომსახურების ეფექტურად განხორციელების მიზნით არსებული კანონმდებლობის დაცვით დაიცვას 24 საათიანი მორიგეობის გრაფიკი.

4.1.7. განიხილოს დამკვეთის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყონებლივ უზრუნველყოს აღმოჩენილი ხარვეზების გამოსწორება;

4.1.8. გაუწიოს დამკვეთს მომსახურება სათანადო ხარისხით;

4.1.9.დამკვეთთან შეთანხმებით განახორციელოს გამაფრთხილებელი და პროფილაქტიკური ღონისძიებები, რათა არ დაუშვას ქონების ქურდობა-დატაცება;

4.1.10. აწარმოოს დასაცავ ობიექტებზე ხანძარსაწინააღმდეგო მეთვალყურეობა, ხოლო ობიექტზე ხანძარის გაჩენის შემთხვევაში დაუყონებლივ აცნობოს ამის შესახებ სახანძრო ნაწილს, ობიექტის ხელმძღვანელს და მიიღოს ზომები ხანძრის ჩაქრობისათვის ადგილობრივი საშუალებებით, რომლის გამართულ მუშაობაზე პასუხისმგებელია დამკვეთი;

4.1.11. „კასკადი“ ფინანსურ პასუხისმგებლობას იღებს იმ მატერიალური ფასეულობების დაკარგვაზე, რომელთა გატანა დაცული ტერიტორიის გარეთ შეუძლებელია დაფარულად ან დაცვის თანამშრომლების მხრიდან გაუფრთხილებელი ქმედებით;

4.1.12. სამსახურობრივი მოვალეობის შესრულების დროს არ დატოვოს დაცვის ობიექტი თვითნებურად და არ იმყოფებოდეს ნასვამ მდგომარეობაში;

4.1.13. განახორციელოს ამ ხელშეკრულებით გათვალისწინებული მასზე დაკისრებული სხვა ვალდებულებები.

4.2. „კასკადი“ უფლებამოსილია:

4.2.1. მოსთხოვოს დამკვეთს ხელშეკრულებით ნაკისრი ვალდებულებების შესრულება;

4.3. დამკვეთი ვალდებულია:

4.3.1. დასაცავ ობიექტებზე დაცვის თანამშრომლებს გამოუყოს ადგილი, რომელიც აღჭურვილი უნდა იყოს ნორმალური სამუშაო პირობების შესაქმნელად საჭირო ინვენტარი;

4.3.2. უზრუნველყოს ხელშეკრულების შესრულების კონტროლი;

4.3.3. დაუყონებლივ მიაწოდოს „კასკადის“ ხელმძღვანელობას და ობიექტის დაცვის თანამშრომლებს ამომწურავი ინფორმაცია, რომელიც შეეხება ობიექტის უსაფრთხოებას ან/და ხელს შეუწყობს დაცვითი ღონისძიებების გატარებას;

4.3.4. ობიექტებზე გამართულ მდგომარეობაში იქონიოს ელექტროგაყვანილობა, ხანძარსაწინააღმდეგო საშუალებები.

4.3.5. დამკვეთი ვალდებულია აუნაზღაუროს „კასკადს“ გაწეული მომსახურების ღირებულება ამ ხელშეკრულებით განსაზღვრული წესით და ოდენობით;

4.3.6. განახორციელოს ამ ხელშეკრულებით გათვალისწინებული მასზე დაკისრებული სხვა ვალდებულებები.

4.4. დამკვეთი უფლებამოსილია:

4.4.1. მოითხოვოს „კასკადისაგან“ მომსახურების გაწევა წინამდებარე ხელშეკრულებით გათვალისწინებულ პირობებში.

4.4.2. აღნიშნული პირობების შეუსრულებლობის შემთხვევაში მოსთხოვოს „კასკადს“ დაცვის თანამშრომლის შეცვლა, რომელიც თავის მხრივ ვალდებულია შეცვალოს დაცვის თანამშრომელი 5 (ხუთი) სამუშაო დღის განმავლობაში, წინააღმდეგ შემთხვევაში აღნიშნული ჩაითვლება ხელშეკრულების დარღვევად და დამკვეთს უფლება ექნება შეწყვიტოს ხელშეკრულება.

5. მომსახურების ხარისხი

განხორციელებული მომსახურების ხარისხი უნდა შეესაბამებოდეს დადგენილ სტანდარტებს.

6. ხელშეკრულების შესრულების კონტროლი

6.1. დამკვეთის მიერ ხელშეკრულების შესრულების კონტროლი განხორციელდება პერიოდულად, დამკვეთის მოთხოვნათა შესაბამისად.

6.2. ინსპექტირებას განახორციელებს ააიპ ჩხოროწყუს მუნიციპალიტეტის დასუფთავებისა და კეთილმოწყობის ცენტრის დირექტორი მაია სიჭინავა.

6.3. დამკვეთის შესაბამისი წარმომადგენელი (წარმომადგენლები, მოწვეული ექპერტი) უფლებამოსილია ჩაატაროს მომსახურების ხარისხის კონტროლი და თუ აღმოჩნდება უხარისხოდ გაწეული მომსახურება „კასკადი“ ვალდებულია დამკვეთის მიერ წერილობითი შეტყობინებიდან დადგენილ გონივრულ ვადაში გამოასწოროს წუნი.

6.4. „კასკადმა“ ხელი უნდა შეუწყოს დამკვეთს ინსპექტირების განხორციელებისას.

7. მიღება-ჩაბარების წესი

7.1.წინამდებარე ხელშეკრულებით გათვალისწინებული მომსახურების მიღება წარმოებს მიღება-ჩაბარების აქტის სახით, მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით;

7.2.დამკვეთის მხრიდან მომსახურების მიღებას აწარმოებს ააიპ ჩხოროწყუს მუნიციპალიტეტის დასუფთავებისა და კეთილმოწყობის ცენტრის დირექტორი მაია სიჭინავა.

8.ანგარიშსწორების ფორმა და ვადები

8.1.„კასკადთან“ ანგარიშსწორება განხორციელდება ლარებში. ანგარიშსწორების ფორმა იქნება უნაღდო. გადარიცხვა მოხდება საბანკო ანგარიშზე ჩარიცხვის გზით;

8.2.„კასკადთან“ ანგარიშსწორება განხორციელდება ყოველთვიურად მხარეთა მიერ წინამდებარე ხელშეკრულებით გათვალისწინებული მომსახურების გაწევის შემდგომ ხელმოწერილი მიღება-ჩაბარების აქტისა და საგადასახადო ანგარიშ-ფაქტურის საფუძველზე;

8.3.„კასკადთან“ ანგარიშსწორება განხორციელდება მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან 10 (ათი) სამუშაო დღის განმავლობაში, თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს. საბოლოო ანგარიშსწორება განხორციელდება არა უგვიანეს 2018 წლის 31 იანვრისა.

9.უფლებების გადაცემა

„კასკადს“ არა აქვს უფლება დამკვეთის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

10.ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის (შეთანხმების) გზით, ხელშეკრულების მე-12 მუხლის შესაბამისად.

11.პირგასამტეხლო ხელშეკრულების პირობების შეუსრულებლობისათვის

11.1.მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად, მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არსებითად დარღვევისათვის ხელშეკრულებით და საქართველოს კანონმდებლობით დადგენილი წესით;

11.2.წინამდებარე ხელშეკრულების 4.1. პუნქტის 4.1.1, 4.1.2, 4.1.3, 4.1.4, 4.1.5, 4.1.6, 4.1.7, 4.1.8, 4.1.9, 4.1.10, 4.1.11, 4.1.12, 4.1.13, 4.1.14 ქვეპუნქტებით გათვალისწინებული ვალდებულებების დარღვევის შემთხვევაში „კასკადს“ ეკისრება პირგასამტეხლო ყოველი ასეთი დღისათვის ხელშეკრულების ღირებულების 0.1%-ის ოდენობით.

11.3.წინამდებარე ხელშეკრულების 6.3. პუნქტით განსაზღვრული პირობების დარღვევის შემთხვევაში „კასკადს“ ეკისრება პირგასამტეხლო, ყოველი ასეთი დღისათვის ხელშეკრულების ღირებულების 0.1%-ის ოდენობით.

11.4.„კასკადი“ ვალდებულია საქართველოს კანონმდებლობით დადგენილი წესით სრულად აანაზღაუროს ზარალი, რომელიც გამოწვეულია „კასკადის“ მიერ ვალდებულებების არაჯეროვანი შესრულებით.

11.5.წინამდებარე ხელშეკრულების 8.3. პუნქტით განსაზღვრული გადახდის ვადის გადაცილების შემთხვევაში დამკვეთს ეკისრება პირგასამტეხლო გადასახდელი თანხის 0.1%-ის ოდენობით ყოველ გადაგადაცილებულ დღეზე.

11.6.პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

12. ხელშეკრულებაში ცვლილებების შეტანა

12.1. წინამდებარე ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

12.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

13. ხელშეკრულების შეწყვეტა

13.1. დამკვეთი უფლებამოსილია ხელშეკრულების ნებისმიერ ეტაპზე მთლიანად ან ნაწილობრივ შეწყვიტოს წინამდებარე ხელშეკრულება, თუ „კასკადი“ ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში, რის შესახებაც დამკვეთი წინასწარ აცნობებს „კასკადს“.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს „კასკადს“ ხელშეკრულებით განსაზღვრული ვალდებულებების შესრულებისაგან.

13.3. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

14. ფორს-მაჟორი

14.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული დამკვეთისა და/ან „კასკადის“ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოებების, მათი გამომწვევი მიზეზების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულებების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

15. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ნებისმიერი დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

16. ხელშეკრულების მოქმედების ვადა


ხელშეკრულება ძალაში შედის 2017 წლის 9 თებერვლიდან და მოქმედებს 2018 წლის 31 იანვრის ჩათვლით.

17. გარდამავალი და დასკვნითი დებულებები:

17.1. წინამდებარე ხელშეკრულება შედგენილია ქართულ ენაზე;

17.2. წინამდებარე ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომელთაგან ერთი ინახება „დამკვეთთან“, ხოლო ერთი - „კასკადთან“.

18. მხარეთა რეკვიზიტები და ხელმოწერები:

„დამკვეთი“
ააიპ ჩხოროწყუს მუნიციპალიტეტის
დასუფთავებისა და კეთილმოწყობის ცენტრის
დირექტორი:  მზიჭინავა/

ს/კ 442260303



„კასკადი“
შპს უსაფრთხოების სამსახური „კასკადი“
ქ. ქუთაისი წერეთლის ქ. #117
სს „თიბისი ბანკის“ ქუთაისის ფილიალი
ს/კ 212842110
ა/ნ GE38TB0300000042467603

დირექტორი:  /ზ. კობეშავიძე/

